



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiae & Iuris Canonici Doctoris ||
celeberrimi, ac Ecclesiae Ham-||burgensis quondam
Decani**

Krantz, Albert

Coloniae, 1574

Capvt XXV.

urn:nbn:de:hbz:466:1-11453

fugato & Wilhelmo de Arberg, qui tum regi Francia militabat, & Leodiensi episcopo per omnia erat infestus. Multa ducem impulerant, vt tum treugas iniret cum rege. Nam Geldria, vt diximus, motus nouos concituit. Rex autem ante treugas, sancti Audomari, & Aria vrbes sibi reddi postulauit: cū dux vicissim Arthesiam totā reposeret. Duacum rex secretē iussit pertentari, impetique: Sed Gandauenses qui primi persensere, XL. millium exercitū conscripsere, mālentes suis manibus rem agere, quā extortam pecuniam permittant Alemanis in pradam: praesertim, quod eius oppidi commodis carere non possint, indē per amnem deuēctis in urbem suam frugibus. Sed tum valūere induciā inter regem & ducem Austria, per quas dux conuersus in Geldriam, motus eius compescere instituit, cū interīm incolae suo duci studerent paruulo. Grauiam oppidū tum cepere Brabantini, & tenuere diū. Indē cū in Cliuensem quoquē ducem niterentur, res interuentu bonorum virorum ad tolerabiles conditiones exiuit. Hollandia parēre suo principi inuita compellitur, inducys iam inter regem & ducem protelatis: Non cessauere tamen regij Camera cum infestare: sed defensum est egregiē. Ducales vicissim tentauere Hesdunū, sed repulsi sunt. Itā vicissim de violatione treugarum fiunt querimoniae, cū vtrinq; contenderint priorem partem alteram violasse, temerasseq; inducias pacatas. Sed tum iterū de integro annales treugae intercessere.

CAPVT XXV.

TRaiectenses per tempus episcopum suū exclusere, & Wulfardum de Veris sequentes capitaneū: quādo etiam Iohannes de Dudenzel Gandauensium capitaneus, cū verbis contenderet aduersus nobilem Burgundio-

gundionem, ad mortem vsque vulneratus est, vt spiri-
 tum efflaret ipso die. Indignati Gandauenses proscri-
 bere voluerunt omnes Burgundiones de familia domi-
 na Maria. Quam rem comperiens ea domina, nonnihil
 cogitauit in populum, quod tamen, consilio freta mari-
 ti, omisit. Interim tertiam enixa prolem, Franciscum
 nomine, sub honore, vt ferunt, Francisci ducis Britan-
 nia: sed paruulus immatura morte interceptus, ad meli-
 ora regna prouolauit. Interim oppidum sancti Audoma-
 ripen à Francis interceptum est: quod inprimis Bru-
 genses vitauere: qui nouo conscripto exercitu, immise-
 runt praesidium. In Traiectum verò intromittitur Io-
 hannes dux Cliuensis, cuius fratrem Engelbertum, eie-
 cto Dauid Burgundione, Philippi ducis naturali filio,
 voluere episcopum. Sed Hollandia totis illi viribus re-
 nititur. Initum est praelium iuxta Amersfordiam tribus
 millibus à Traiecto. Cæsi sunt ciues plurimi. Dux ipse
 Maximilianus descendisset, nisi eum nobilis de Arberg,
 & qui rebus nouis in Hannonia studuere, tenuissent. In-
 terim verò in maioribus Flādia vrbibus tumultus erat,
 quod nobiles quosdam ex vrbibus proscripsissent: qui
 contempta eorum proscriptione, in medijs vrbibus ob-
 ambulabant: & Brugis fortè res in magnam venisset
 commotionem, nisi dux affuisset: qui captis tribus ex
 praestantioribus vrbis ciuibus, rem omnem complacauit.
 Mira hominum in sensu mobilitas: quàm facile conci-
 tantur, tam seuiunt crudeliter: & deindè sanguine vi-
 so, facile iram ponunt. Quanti sine culpa perièrunt,
 quos in feruore subuerterunt, postea magno ære, si fieri
 posset, à morte reducerent?